

Willem Vermandere, 't Schone Land

't schone land spanje h'k nog nooit nie gezien
in compostella ben ik nog nooit gekomen
d' oekraene de poesta of moskou misschien
en nog nooit ging mijn weg naar romen

noch 't wonderland india china of japan
noch fjorden noch bossen noch meren
de boorden van den donau daar weet ik wel van
in de boeken kan je daar veel over leren

maar 'k ken wel mijn streke mijn straat en mijn grond
mijn dorp met zijn stoeren toren
'k kenne de polders ieder grachtje in't rond
en 'k ken de mensen bie wien da'k ben geboren